

滅口舌官患五天宗靈七非洞雲樓玉紀  
明元官主眷屬不睦夫婦乖違離背分張  
及綠寡等事六天敢司連究屢洞崇靈赤  
映雲曲官專滅世人已出男女及懷胎孕  
主子母俱歿為繼嗣事夫所謂五府者乃  
五嶽山府也各立瘟曹業按正一傳云五  
府瘟神稟五行不正之氣動出億萬周流  
人間噓毒嘯禍東行號魔王西行名外道  
南遊稱鬼帥北征呼鬼王中國號瘟神也  
泰山府東嶽主者天齊仁聖帝所主管雜  
病事劉元達衡山府南嶽主者司天昭聖  
帝所主管瘟疫事張元伯華山府西嶽主  
者金天順聖帝所管瀉痢事趙公明恒山  
府北嶽主者安天元聖帝所主管暴汗寒  
瘧事史文業嵩山府中嶽主者中天崇聖  
帝行病司四案李公伸狂鬼赤眼素鍾士  
季掌腫瘍素范仲卿掌酸癩素姚公伯顛  
狂五毒素各建瘟卒透處四時變故春月  
隨百鳥喧鳴司錄人禱詛夏月詐亡過家  
親假骨肉扇禍秋月附五部土公為伏龍

宅禁冬月隱五姓墳墓避故氣攻食正一  
傳云諸部瘟曹收留社廟陰鬼甲馬常為  
數徧行九州回喪車部死尸每伺隙人誤  
罹之故橫流毒蒸殺人老少男女壽不得  
盡其天年徒煩死違人世皆被三官右府  
籍之不得更生遂致冤蕩無依結聚孤憤  
衆多怨氣蔚翳不散元始同衆聖真一  
觀斯惡豈不悲哀羣生命遭劫運乎北帝  
經曰劫末之時三天正炁漸消六洞故炁  
頓長致使人鬼不分邪正無別幽囚之炁  
於是而出自一而生從此而起以一生二  
慘怛之氣相仍二以至三邪魁之氣纏惑  
而復化四妖淫之氣浸淫長流入人經絡  
攻心伐腎損肺枯肝脾胃黃雲不凝元陽  
黑白相背是以六天邪魔乘勢來侵八部  
瘟曹恣橫流毒唯修善之人形同劫界命  
不墮於凶釁亡夫

太上說玄天大聖真武本傳神呪妙經卷之五

太上說玄天大聖真武本傳神呪妙經卷之六

鄭人方曰子佩昇玄內教錄陳公集疏

妙行真人上白

元始衆真矜被衆生何緣度之

妙行白紫微矜被方事時元始前衆真以

何神用釋之

天尊乃叩齒一通流光萬里北方命召太玄

將軍剪戮衆妖救度羣品

大帝證答以元始天尊垂憫萬類生死劫

會未分之際當擬剪戮衆妖救度羣品者

急故叩齒一通也謂道發一炁而生萬物

也流光萬里者謂天光救發安鎮威用也

北方事北極紫微令遵行保制劫運之命

也唯召太玄將軍上朝玉清聽元始告命

而誅戮妖氛故運一而果全其萬彙也

真人曰不審此將而以何緣位鎮北方威降

下鬼掃蕩妖氛

妙行未全審此又問太玄將軍果能威討

下方妖魔乎

大帝曰此神未開造化先稟神靈易號假名

度人濟物不伐其善不矜其能荷其玉帝封為玄武

大帝既聞妙行深請故陳造道本因之答皆太朴未判時天地混其體日月否其輝八卦隱其神當斯為未開造化之際也玄

帝本炁果在其中矣故謂之先稟神靈也其詳註見在本經前八十二次變為玄武之句下矣知易號假名應化下土度人濟物也故玄帝凡一出世興益教宗普濟物命博施利生行道人間而不自伐積成聖功而不自矜其惟道長也按元洞玉曆西華帝君曰昔壬癸分于太清以立次元之象運于水宮而源之水為上善而非善已故得與天地一同而長且久利于萬物而弗自利流渡萬物而弗自渡萬物昏塞染著无所不滌名曰備眾廣法也若論於修持之道而以初進學功譬之其圖乃可速成也惟玄帝在幼時神靈施用妙于壬癸功感三天賜詔自飛昇日除太玄元帥事又能清寧天地荷昊天玉皇上帝敕荐封

玄武大將軍

真人曰焉得此將而往下方咸度羣品免遭橫死者解脫存者康寧

妙行歷問金闕叩齒流光便為命今焉得此經徑臨受福之境為討罰及安鎮乎

天尊以飛符召之

紫微大帝以上言為答也元始洎出制命乃號飛揚隱語之教也其文乃本經中鎮天魔神呪是其辭義也凡持此呪誦聲一出期會玄帝大信謂之速召法也

此將玄武蒙詔神兵從行至不夜之丹墀

丹墀乃殿陛也玄帝奉詔赴太霄八景闕庭混洞赤文章云九光之系結成九霄不夜之天也

觀強名之大道

老子曰吾不知其名字之曰道強為之名曰大故稱元始號大道也

作禮長跪稽首進言今日何緣蒙符特詔慈顏幸親妙旨何歸竦伏軒舞俯膺令命是時玄武朝謁俯俛奉奉伏胸遵聽用命

也降筆實錄云元始說法於玉清聖境天門震闕下觀惡氣衝突彌塞天光乃命玉

皇上帝降詔詔北極紫微令紫微大帝速辭八景御座即准奉昊天敕旨玉牒有命備坐曰陽則以周武伐紂平治社稷陰則遣玄武收魔間分人鬼

遣玄武收魔間分人鬼

天尊告曰吾觀下界怨氣衝天大衆咸驚高真兢兢之往彼吾則欽哉玄武於是奉命大帝做元始玉音也按元洞玉曆紀至五帝末乃上天龍漢二劫下世洪水漸息人

民始耕生靈方足永食乃其殷紂主世淫

心失道矯侮上天日造罪愆惡毒自橫逐感六天魔王引諸鬼衆肆諸凶孽傷害無辜怨氣盤結上衝太霄靈寶道前衆聖高真咸驚兢兢思念濟此業也衆觀太玄玄

武至來聖命元始上帝撫諭曰大道宜有

付託吾欽之哉上遂賜金甲玄袍身著玄旗準敕降下方收魔也

辭天回光反照披髮跣足降龜躡蛇

太玄元帥秉水帝之符以清澄濁以正伏

邪矣按應運經曰於後世值立魔成華崇綺致使惡道日增月盛是故眾真哀愍眾生昏迷沉亂不見元始惟思邪流以棄正教太玄奉命解纏釋縛萬物津梁一切普使見道名曰四光反照上元按降筆寶錄上帝命玄武曰卿可當披髮跣足踏踏龜蛇

仙仗雷奔天丁翊衛俄於倏歛徧彼乾坤翦酷毒之妖魔捕恣橫之瘟疫幽鬼生界苦病離病人鬼分離冤家解脫黎民安泰國土清平

啓聖記云魔鬼行營駐劄于東北徧野靈仙山間乃鬼道中也按降筆寶錄云太玄元帥與六天魔王戰於洞陰之野是時魔王以坎離二炁變為蒼龜巨蛇化現方成元帥以神力攝歸于足下鎖鬼衆於鄴都大洞人民始安宇宙清肅按太平經載真君受元始符命神光寶書統領天下收天闕地軸二魔王忽一見如蒼蒼龜其形五變一現萬丈巨蛇其形三變真君騰空步

乾踏斗化千丈大身揮魁之劍衝折二

魔各缺形狀龜如拳五寸蛇如鞭三尺和

合併體破真君躡踏之謹顯二魔變相蒼

龜一變色若金光甲縫蒼青二變色如碧

玉甲縫合金三變色若蒼黃甲紋光青四

變色如碧綠甲縫合銀五變龍首龍身出

紫金光甲間碧玉巨蛇初變狀若金色鱗

如赤丹次變體現青碧色鱗絡金線編末

變首如螭龍身色蒼黃鱗間金玉元始天

尊說真武經曰統領六丁六甲五雷八威

齊到下方七日之中天下妖魔一時收斂

人鬼分離冤家解散尚書載武王戊午日

兵濟孟津甲子日大破朝歌亦七日克商

誅紂平治社稷散鹿臺財登鉅橋粟天下

黎民方得安泰於是國土清寧管轄中天

紫微今天官大帝遵教暗宰其蒼否耶

玄武再親天尊具言道力功成事遂濁降清

昇  
玄帝以義戰仁討事遂再朝玉清具奏元始

却返祥光復還本位

降筆錄云玄帝凱還清都面朝金闕元始

告曰卿在太初先天之前本北方五靈玄

老太太陰天一紫炁之化乃萬象之根今經

二千五百年合還本方歸根復位於是元

始乃命玉皇上帝頒降玉冊拜北極右勝

府事至是歲中元節日紫微殿宣示玉冊

詰實也妙行因得聞紫元君授玄帝之法

交乾布斗

交乾布斗者玄帝本事也乃紫微館修經

真官當顯揚正教交乾者用日德之新也

布斗者行中極之道也故德之與道則无

思不伏按杜天師總龜集太上第二次遣

玄夷蒼水使者下授禹王如氏既受之克

勤于邦而盡力乎天下溝洫之事揚雄法

言曰昔蚩蚩以治水土而巫者傲禹今之

道術始名曰禹步也是故往聖之法非今

之巫覡苟且詐踐之事乎輕舉尚招天罪

其詳見經首奉祀儀範內

激坤指置上佐天關

激坤指罡者一名躡地紀飛天綱之法也  
 會造化生殺之權發天關轉運之機顯道  
 導之施德得之是以大則廓清宇宙小則  
 保庇兆民昔自中古禹王併受持導教行  
 之道能攝伏天下獍蛟猛獸魑魅妖魔及  
 凶惡異類荼毒驅斥出極外之地然  
 後開導江河引之川流納歸于四海天下  
 黎庶從此各安其居也激坤者乃躡地紀  
 之法也當履順倒返三市共得九跡乃結  
 成元壇法席像坤道厚載之容我也謹當  
 持念建壇神呪神之聽之罔不來格呪曰  
 乾尊耀靈坤順內營二儀交泰六合利貞  
 配天享地永寧肅清應感元皇上衣下裳  
 震益長興坎順離明異主先生虛步龍驤  
 天門地戶人門鬼路衛我者誰昊天天主  
 今日禹步上應天罡鬼神宿服下辟不祥  
 所求如願應時靈光急急如太上律令敕  
 指罡者乃飛天綱之法也當立壇心以左  
 右手掌循點指節至五斗罡位彈吹悉騰  
 像璇璣華蓋之覆我也訣目以左手俱藏

五指甲曰都天大法主印右手平持劍鋒  
 各方念呪敕水噴之呪曰吾以月洗身以  
 日鍊真日月佐形二十八宿與吾合并千  
 災萬禍遂吾水清急急如太上律令敕誦  
 呪至敕字揮劍鋒指東南高處以口收吸  
 神霄玉清真炁存口呬取盂中淨水喫之  
 既成壇席猶慮兇惡潛用穢汚之靈或餐  
 悞法主水物者准天條合行懲治標目洞  
 天刀支地心刀支祛惡人刀支金刀支木  
 刀支水刀支火刀支土刀支破寇賊刀支  
 斷瘟鬼刀支斬蛟龍刀支降七魔誅二鬼  
 刀支破五苦八難九橫除百病刀支且如  
 惡人來加害者當指左手小指第三節主  
 殺伏渠兇本人頗覺受殃也再指右手小  
 指第三節主其生放縱其去也名曰祛惡  
 刀支目也別有經旨並不盡載蓋此實與  
 妙之階梯是元真之門闕如有行持志士  
 臨壇獲到一切兇異妖怪不祥之類如是  
 哀盟宜恕一次不可妄意輕設此壇慢易  
 誅戮鬼神恐墮法主陰德耳所註禹步不

敢施語當達者因化于未悟故舉之應諸  
 初學姓名未曾拜師保奏入天籍者不可  
 冒舉之也  
 而作呪曰  
 此呪乃玄帝本事大神呪也作是呪目在  
 魔管上建九跡綱界上佐天關飛單六合  
 八絃掌握決勝乃持此呪一遍感令大行  
 即就七日之間盡伏六天羣魔  
 太初太易  
 太初溟滓無有無名太易起初有一未形  
 無象無形  
 道本無象混合自然德本無形造立元根  
 莫知重濁  
 範圍未化莫知其矩重濁凝甚降積為止  
 孰辨輕清  
 彌綸未分其規孰辨輕清高澄積陽成天  
 吾於混沌  
 玄帝介然果先天地於混沌時化象分端  
 分其昏明  
 虛危藹秀坎離真精副除日月分其昏明

天得以健

天得一炁乾健昭回晶明煥列晝夜經緯

地得以寧

地得一炁坤順寧容固中至靜乃載無窮

民得以養

人倫抱一稟協沖和少私寡欲牟劫乃多

物得以萌

萬物不遺因一發萌生端莫竭交應流行

邪得以正

邪陰衆雜其類異同太玄之一咸正宗風

神得以靈

神明得一變化自然靈通廓達洞照無邊

三才之內

天地統一元氣無形人達元識通微內明

萬類咸亨

邦君得一萬姓咸亨昆蟲草木各遂其生

大道既散

道先太極天地之根散為萬物皆賴生成

仁義乃興

天德大德陰陽柔剛號令刑德起置行藏

禮樂既作

三典五禮節約人倫樂制既作九變示淳

姦邪斯行

外窮內表盡禮雖樂暴慢姦邪斯行苟作

六義或失

君臣混雜父子無序夫婦乖違六義失處

四民有爭

四業尊士次農工商各不專藝爭妬誇強

上不寬恕

帝紂亢暴道缺法圯不為寬恕危國忘畿

下不忠貞

媚主崇虎變臣費仲刑增地烙奈亂莫忠

或魔或鬼

罰有六淫妄出癘鬼兇從至處橫禍不已

或妖或精

天災地害現妖起氣百穀不成遭烈為瘟

恣橫荼毒

人兇恣橫饑饉送獄理盡廢勝使人壽促

干擾生民

左道妖術移禍發禁干擾生民邀求非利

全家染患

陰謀切害交報赴刑身染惡毒全家患仍

累歲刑名

累年積月不遵仁義忠孝全虧陰謹陽治

財物耗散

無名財物潤屋豈久一旦耗散子孫莫守

骨肉伶仃

天倫骨肉誰欲輕分伶仃有似禽鳥暫羣

性命枉逝

輕逝性命因自孽多一死之後墮落鬼魔

災禍相縈

三災六害豈枉相縈降罰臨爾罪惡貫盈

穢雜之氣

五傷物命肥口充腸豈知穢雜野味三光

上達天庭

劫運終際衆惡相刑七聲呪詛籲達天庭

天尊有命

元始慈造廣方便門乃命玄帝普救羣倫

今吾安平

玄帝准敷普福舍生三元男女咸會安平

有妖皆剪

若有精妖非時發疹違其號令捕至當剪

無鬼不烹

無名鬼物輒敢崢嶸與殃邀祭獵至須烹

瘟疫之吏

八部五瘟司禁咒人無許縱毒橫害良民

束手服膺

敢不遵者輒逞凶獍捉縛束手枷拷鞭膺

鬼精滅矣

廟貌神鬼輒肆猛烈停藏妖精一例勦滅

邪魔摧傾

魔守鬼職黨邪不應太玄兼知犯者摧傾

吾有十億烈士

太玄元帥統攝英雄兩師風伯電母雷公

甲庚兩將八煞天罡六甲大神社令城隍

五千萬兵

太玄兼職都督諸管總管兵馬五千萬兵

天上天下

騰天倒地保護黎民典司內外降魔制神

從吾降昇

拒吾者滅

揮毒鼓從昇降不停係天佑地尊恩及人

有王袞拒玄帝聖訓而立見滅也袞登仕

路酷食鷓鴣每任所決責吏從須索此物

充饌袞妻子奉祀真武香火常勸絕厭物

夜不聽一日除駕部鎮邢州獨赴任所忽

患苦心疾晝夜呻吟觸目無奈耳聞聲呼

索命衆讙騰奔來嚙身俄一披髮神人至

仗劍叱退袞甦無恙知是真武救護任滿

還鄉寫道經一藏捨入延福宮答謝天曹

蓬萊朝廷詔充國子司業袞乘舟赴京於

汴岸遇一道士相曰公赴闕必拜修撰也

恐加史閣檄充庚辛方幹宜辭免可不然

則壽祿俱絕餓死雪中骸骨不收矣袞怒

叱其相士忽失之袞至闕果賜御史天章

閣待制奉命入西域因出言諷著君李萬

全反遭耻辱國辭歸却畏本國刑典至界

首誘從人奔羊山值天雨雪連綿壓于巖

穴之下久之火食間見真武垂空責曰袞

爾於汴岸拒吾言今奈何歟袞方思之追

悔何及漸幽囚餓死而滅

奉吾者生

如孫誠之信奉玄帝臨死地而復生誠之

刑部員外借補翰林侍讀充奉使西域道

過鳳翔路遇一布衣士謁之曰公莫奉使

西蕃乎斯職非公命祿之權去必遭羈衆

必受罪公欲度危急須奉念吾師真武名

號當獲延年壽嘖矣吾昨亦承國恩今除

仙職見掌三羅山玉峯瓊壺洞龍潭公事

鍾進明也特來報公耳言訖忽不見誠之

思惟直至西鄙入赴蕃君李希靜宴偶示

一題曰日月出東還沒西七字句誠之竟

無可對蕃君怒令囚執縛之既脫驚惶遭

辱玷國及還朝廷刑加當誅誠之正迫懼

問念真武聖號數遍俄頃中書省門下白

劄子趕至看詳孫誠之理合誅戮照得曾

路遇神人鍾進明預言吉凶事顯是國家

妄規重職聖旨體此特賜免罪別降旨下

鳳翔府起建鍾進明祠堂塑身白衣儀相

敕封善導安寂仙君之號永顯助國之美

誠之信奉而得拜死重生

惡吾者辱

世多有無知等輩以惡觸玄帝者身口過犯招辱矣如梓州蕪民馮蟲大高邵郎游行兒其三人結黨伊海鄉曲一日驚卦魯遷家遭此三人於香火真武前求籤辭意不吉便出詬語惡罵而去自後遷涪二州連強盜劫掠富家財物殺死命官楊助教捕吏無由敗獲時尚書刑部侍郎張世明為安撫出給賞格召諸色人告首於限節日忽遂廳前有魯遷告訴作過人是梓州馮蟲大高邵郎游行兒等同捕吏至梓州龍興寺側俱擒之押上夔府遷忽不見其盜獄具牒移關梓州喚上魯遷關賞遷不就供狀繳連云本家祖傳三世賞籤度日惟供養真武雖是馮蟲大等曾到本家求籤辭不吉惡罵上聖而去遷實不曾離家告訴公事是夔帥一見狀體量事情保奏于朝三司看詳若非真武陰相又豈能敗獲累官害民之據實賞合給七分付魯

遷作贖香資馮蟲大等所犯付市曹碎屍惡辱者豈不敬信乎報應甚速

敬吾者榮

如狄青之恭敬感玄帝降威附體助得身榮也青汾州西河人少隸鄉書手勤恪真武香火實元初年夜遇一神授黃金白衣乃聞陝西用兵志欲往禱真武籤吉方行至延安府投中散直奉經略范仲淹一見知是異材差充指使職事迎拒敵趙元昊二百萬寇兵累戰累勝戎將咸呼青曰北方天神將耶聲達招討韓琦之聽遂論列保奏狄青續承朝廷詔宣一行指使廖導等二十八名使臣赴關日許拔介胃木刀同詣嘉德廣鎮殿拜見跨馬陣列仁宗御覽其數內一人光熈上下馬前有龜蛇戲躍于地時恭政宋庠方奏俄失光像聖音問狄青適列於何位青奏對稱首救權馬步軍都指揮使仍討西鄙其趙元昊聞風納款請和之蠻寇懷智高發亂兩廣亦復克平詔除樞密判宣徽院天下兵馬鹽鐵

公事享壽五十尸解追謚武襄公因生前敬奉真聖身歿名顯

禮吾者壽

如吳元嗣信禮玄帝感一門皆壽也元嗣家第世居揚州江都白沙村務農桑為生業每歲冬序祭饗三界答謝神祇恩佑偶遇秦州道士唐慶餘踵門緣化齋糧見吳宅用師巫鋪設天曹位號與凡神混列一例以血食犧牲供獻慶餘乃謂元嗣曰公不聞中天有真武逐月下降糾察人間善惡功過事若憑師巫輩祀反觸上界恐求福獲禍耶元嗣一聞回心諦信再命道教重建章醮及設齋日有雲遊道眾二十餘人暫到赴會道士陳伯陽稽首迎問來歷內一人答曰吾知此地造析天會方從無間來赴之及筵散而去遺一卓袍於座位上光芒閃爍異香芬然元嗣跪禮捧戴自後聖節根括老人唯吳元嗣一門百歲以上者八人內吳琬百一十四歲步履輕健俱臨御宴視聽皆不衰太守陳叔平詢及

履踐因依具奏朝廷特賜吳琬一官建旌表門閭顯其孝義禮而壽也

非吾者覺

世祿權臣不信非毀玄帝降言誠訓如評論為虛誕之說者報昭惡疾而覺也如陳之翰佐偽閩王延政臣聞南唐烈祖李昇欲侵福建之地提兵已直臨邊忽然退師回班閩王聞奏涉疑特遣邵鐘持書過國通問其故南唐回書答曰孤昨躬提兵到邊境日見雲際神人隊伍迎揖與孤自稱曰吾乃閩山仙源都土地昨承恩主真武遣令迎諫大王止可罷兵獲吉免使生靈陷諸塗炭且閩主世業未終至庚午化歸儂極況福建境土不當大王所有言訖其神辭退孤乃休兵故也醮答真武拜章之夕明復儂極之解乃周後火運宋主南面殿額也閩主覽及書畢乃會百官共議講和唯邵武軍節度使陳之翰諍諫不從擅遏主意曰國家大業豈憑陰空誕語詭惑遂上策水不與南唐講好請舉兵討之翰

吾有此令

玄帝立誓理治將來太玄科格無物不該人鬼咸聽

人違正道滅除罪愆無害人脫謫升遷急急如太玄律令

疾速回念依如告行太玄主一至神至精作用蒙泰練育華英律令統紀度拔眾生

攝

兼權三界須臾通遐持惡錄善止攝茲邪所註顯驗始以近世人事引而證諸垂蔡出啓聖奏章人皆願知矣有違不遵玄帝經呪訓銘勸格範者兼應形于方冊分明矣况玄帝誓人鬼咸聽之句以示生死兩途惡福之因事屬太玄天曹玄天大聖統領神仗同日月星斗之照雷電風雨之化甲庚日直將詰制人身中尸鬼八節炁候神糾序人方寸善惡總誌浚北極帝命報應出右勝府司作善者降之百祥慶流

後代子孫為不善者降之百殃遺烈衰絕嗣續雖未見伐愚者長以為幸免一旦禍期將至其惡趣無不歷尚玄帝慈懲猶賜解釋啓聖記曰凡有宅舍每被古墓喬林孤鬼滯鬼應干等物歲久成精依草附木滴血放火拋石擊門與夫山河社廟之神或結集精藍私立香火及師巫座席去處互興妖孽橫求人家祭祀欺惱衰敗應黎民有此邪崇干犯者莫非崇敬真武香火即獲正真水鎮羣魔而納嘉祥門庭清淨矣

爾時妙行真人

爾時者謂說如是一段本傳因緣畢也妙行真人因修地本多行提拔開示未悟引進學人虛皇天尊曰子未生時混混沈沈本無一物視聽不得與真常會無有明相孰為妙行又曰精心苦行絕世所欲不與妄想無有著以氣鍊神以神鍊形形神俱妙體入自然歛萬法歸於一身散一身而化萬景不滯有無永絕生滅是名真人



無量飛天神王

無量說者乃飛天騎吏一時隨侍赴會莫得較其數目也飛天神王者五老帝君受任主職也飛天下觀晝夜無閑生神章曰總括天仙雍和萬化撫料蒼生

真仙大衆

靈寶定觀經曰延數千歲名曰仙人正陽真人曰仙遷五種鬼仙人地地仙神仙天仙楞嚴經曰修仙有十一曰地行仙二曰飛行仙三曰遊行仙四曰空行仙五曰天行仙六曰通行仙七曰照行仙八曰道行仙九曰精行仙十曰絕行仙大抵於道有功為人有行功行滿足起居洞天便得效職列為仙官若又於天地有大功於古今有大行從此漸進仙階昇擢歷任三十六洞天及於八十一陽天起入虛無自然之境名曰真仙  
聞是說已踴躍作禮讚歎功德祕錄琅函紫微大帝談演泊終則星真仙曹成皆跪辭起而同聲頌玄帝功德之美想惟巨錄

琅函封進太清太極宮中遵依玄科四萬劫一傳於下土至人奉行久矣大帝復證此經則曰太上必授於謫仙傳於人世耶果賜漢張微士流行也

後有謫仙傳於人世

勵生謹殺太上之意也後有者自中古以來是也夫謫仙者謂獲上帝所謫真士也遭罰留形墮于凡世再蒙上帝特赦然後輕舉矣姑陳一二張天師因殺鬼過酷謫留十年西晉許真君不祭祖先犯食殺逆罪謫留一紀漢天師家傳云質帝本初元年丙戌歲真人欲徧經治山徒閩州雲臺山築室纔居四十九日忽聞空際天樂嘹亮端簡瞻禮見是太上老君導從徘徊久之不下俄一吏傳命曰道陵據子之功業合充九真上仙之位緣為汝入蜀收鬼幽獄不合擅與風雨驅馳星斗後使神祇震蕩山川殺氣翳空非好生之德上帝教謫汝且留凡塵故太上不肯近汝真人悚聽又承一使者呼道陵曰敕命下元主者

雪汝罪戾矣特賜汝三八謝罪滅黑簿超度玄祖靈文真人拜受聖駕方與真人再回居鶴鳴山南斗經曰太上第三度降臨荐授經籍千軸皆修行之要道將傳付有道者令身受度使永劫長存於桓帝永壽二年真人將諸品經籙印信並付長子衡囑曰仰後世世一子紹吾之位非吾家宗親子孫勿傳衡承襲畢三年內至九月真人復往雲臺山九日停午上昇矣衡於靈帝光和二年己未歲隱居彭州陽平山

傳法授之長子魯魯徙漢中南鄭城居至獻帝乙未歲魏公曹操兵克城弟張衡遣戮魯降辭不受裂地之封於建安末年以祖法付長子滋無嗣弟感孺子昭成南游江東吳孫權之境至上饒郡登龍山之巔見祖真人遺風丹穴井竈尚存遂結廬於麓居焉歲丁巳聞魏明帝肅已破蜀祖真人家藏遺焚昭成奮形還蜀承接伯父滋法位而歸於孫皓甘露元年甲子歲建正一玄壇于居址之處將祖傳諸品祕法符

錄傳度四方開度學者於品錄階內有玄  
天真武無上將軍秘錄從人參請也

志道之士稽首奉行

志道之士謂果能奉行互相勸勉見聞者  
是也按此經之風教乃先倫化君臣父子  
夫婦兄弟朋友之五等效心盡信而無虧  
理者得自然心淨神爽洞曉蒙泰二卦之  
宗趣功德昭著者多矣此實常明之教法  
豈得有淪滅哉雖然遺於魏及蕩散於  
西晉則必有隱真之士口口相傳翻為數  
本則各自有授受總說真武之因其義則  
大同小異也今並行於世間目曰玉笈傳  
西晉惠帝元康年間道士黃輔真君傳出  
北斗真武經東晉成帝咸和年間道士季  
文華受紫虛元君所傳紫光經出清虛洞  
王真君傳太平經天師寇謙之回授北魏  
太武帝紫微神呪靈寶大有自然神兵護  
國消魔品真武經見唐玄宗時有蘇真人  
傳中出也經云老君於上皇二年三月八  
日在紫微上官說虛危二宿託精應變聖

父玄母始姓三炁結成大塊至建申之月  
拆卯分形長五百丈真武因地經抱杵子  
太極真人口傳旨意類本傳經訛處說虛  
危二宿託精於廣靈宮化為大塊建申之  
月上七日卯拆之事頗涉疑且曰不知誰  
為父母者也莊子曰寓言十七危言日出  
之謂歟且夫天文位乎上人文位乎中不  
可得而增損者自然之文可以化人也玄  
天大聖真武本傳神呪妙經乃漢天師張  
道陵親遇太上老君下授經籍之本玉虛  
師相真武實錄大羅天上清七寶紫微宮  
天機都承旨神應惠元董真君編降授道  
士張明道真君曰玄帝玉冊乃上天秘書  
非中下二界所聞今於玄都請錄下令實  
錄序金闕吳山檢校洞上仙元皇純一張  
真人序曰太古先天之書不降中下二界  
祕於紫微上官玄都之府萬劫一傳豈草  
易可知哉是以玄帝事跡在先天之前莫  
得知其涯際而中界真宰欲談者皆杜口  
難窮深以拳拳況下土士民焉可道聽而

遂說今非上卿疑神藥簡洞達秘書出於  
自然自得之學為使普天率土昭知玄奧  
如是則果知仲尼釋迦上卿不待宗師自  
得至妙乃可究其廣博既聞實錄頒降名  
山刊諸簡冊不敢默觀自作謹熏香感序  
以紀其先謹序公風生多幸值昌流布續  
集以上天秘書如是則不無分別姑列則  
不滅照心也請誦持者隨其所受功德俱  
不可思議並感虛危內篆助其圖成水火  
精神降臨昭著不惟玉簡題名太清有分  
更生而必能福之矣

太上說玄天大聖真武本傳神呪妙經卷之六